

*Na october 1987, Aruba a bira
miembro asocia di UNESCO*

UNESCO Aruba birando mas activo, cu proyectonan dirigi riba e necesidadnan di e pais



Bon dia Aruba a acerca UNESCO Aruba pa com-pronde e importancia di e trabou cu UNESCO ta haci, no solamente na mundo pero pa isla Aruba tambe. Sra. Zet-sia Ponson secretario general y Sra. Joureen Laclé-Kell administrado di Unesco Aruba ta duna nos un bista den e organisacion.

Historia y establecimiento Dia 1 pa 16 di november 1945, UNESCO a nace na Londres durante e conferencia teni pa establece "United Nations Educational, Scientific and Cultural Organization". Un año despues, dia 20 di november 1946, den e gran anfiteatro di Sorbana na Paris, a tene e prome Conferencia general di UNESCO. Na october 1987, Aruba a bira miembro asocia di

UNESCO. Te cu 1998 por bisa cu e miembresia aki tabatin poco nificacion. Durante e ultimo tres año y mey cu a transcuri, UNESCO Aruba a cuminsa funciona manera mester ta, cu su propio Comision Nacional di UNESCO, su secretariado y haciendo mas y mas uzo di e oportunidadnan cu e miembresia ta ofrece. No obstante e hopi trabou realisa, awe mester constata cu poco ta conoci di e UNESCO, tanto como organisacion mundial como organisacion local.

Proyectonan na Aruba Segun sra. Ponson ta splica nos, UNESCO no ta un instancia cu ta traha a base di subsidio, hopi hende ta kere esey. Cada dos año UNESCO Paris ta subsidia dife-

rente proyecto unda instancia y fundacion por integra nan proyecto. Tur proyecto ta keda aproba door di UNESCO Paris si logra e criterionan y obhetivo principal di UNESCO. Asina proyecto como: Wit GeleKruis; Sexual Education Training for Teachers. Fundacion Hende Muhe Den Dificultad; Re-introduction of the 'Teen Dating Violence' Program in Aruban Middle Schools. Universidad di Aruba; Assessing Media Development in Aruba : Pressure Cooker Marathon a ricibi subsidio y wordo realisa pa comunidad di Aruba. E proximo proyecto cu UNESCO Aruba ta sostene lo tuma lugua dia 27 di maart, na Cas di Cultura. "WeLoveTheater" Celebracion di Dia Mundial di Teatro.

Intangibel Cultural Heritage Sra. Joureen Laclé-Kell administrado na unesco Aruba ta conta Bon dia Aruba. Na año 2016 a tuma lugua

dos workshop unda diferente isla den Caribe a uni pa forma un plataforma. A bini hunto pa inventarisa herencia material y inmaterial den Caribe, pa asina trece hunto pa Reino Hulandes. Na april lo sigui intercambio informacion, unda pa di tres biaha UNESCO Aruba lo participa cu e workshop "Intangible Cultural Heri-

tage'. E workshop lo tuma lugua na Boneiro. UNESCO Aruba ta informa pueblo riba social media unda actividad y proyectonan ta wordo anuncia.

Semper por acerca UNESCO si kier haya mas informacion. Por pasa na nan oficina situa den e edificio di Aruba Cosecha na Zoutmanstraat 1 Oranjestad.



Nominadonan aña deportivo 2016

